

քակից մասերով հասարակաց բաղնիքի վերածած են և մինչև հիմակ կը կոչուի Հաւառ էս — Սուրբան (Bar. gr. էջ 105 - 106) :

Այս եկեղեցիին նոր հիմնարկութեան մանրամասնութեանց և ժողովրդային զրոյցներու մասին տեսնել (Բազ. 1906, էջ 511 - 516) :

6. Պիղատոսի սան աւանդութիւնները . — Ս . Աստուածածնի եկեղեցիին արևելքը կը տեսնուի հաստաչէն մեծ կամար մը՝ ճանապարհին վրայ կառուցուած . զինուորները Պիղատոսի հրամանաւ Յիսուսը կապալթա՝ Քարայատակ (Lithostrotos) ըստւած տեղը քերին, ինչպէս կը գրէ Յովհաննէս աւետարանիչ (ԺԹ. 1-6). «Յայնժամ էառ Պիղատոս զՅիսուս և գան եհար : Եւ զինուորացն արարեալ պսակ ի փշոց՝ եղին ի գլուխ նորա, և զգեցուցին նմա հանդերձ ծիրանի...» «Ել դարձեալ Պիղատոս արտաքս և ասէ ցնոսա, ահա ածեմ գսա արտաքս առ ձեզ, զի գիտասջիք՝ թէ ես վնաս ինչ ի նմա ոչ գտանեմ : Ել Յիսուս արտաքս, և ունէր պսակ ի փշոց և հանդերձ ծիրանի . եւ ասէ ցնոսա, ահա այրդ ցձեզ : Իբրև տեսին զնա քահանայապետքն և սպասաւորք, զաղաղակ բարձին և ասին, ի խաչ հան՝ ի խաչ հան զդա :» Պիղատոս երբ լսեց այս խօսքերը՝ դուրս հանեց Յիսուսը, և նստաւ բեմին վրայ այն տեղին՝ որ կը կոչուէր քարայասակ, և երրայեցերէն կապալթա . եւ անոնք կ'աղաղակէին «բա՛րձ ի մէնջ, բա՛րձ ի մէնջ եւ հան զդա ի խաչ» : Ի նշան այս խօսքերուն՝ կամարին արևմտեան կողմը մեծ սալաքարին վրայ տակաւին կ'երևին լատիներէն թօրթօ, (բարձ ի մէնջ) տառերուն զիծերը (Հան. էջ 225) :

Հիմա յիշենք Պիղատոսի Պալատին աւանդութիւն